



Broj: 16-12-16-5255-HR /20  
I. Sarajevo, 28.02 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije Agencije za javne nabavke od 04.02.2021. godine u otvorenom postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu, na preporuku Komisije I za nabavke za potrebe Državne agencije za istrage i zaštitu u 2020. godini, broj 16-12-16-5255/20 od 22.02.2021. godine, direktor Državne agencije za istrage i zaštitu, donosi

## ODLUKU

o izboru najpovoljnijeg ponuđača u otvorenom postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu

### Član 1.

U otvorenom postupku za dostavljanje ponuda za javnu nabavku rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu, za koji je obavještenje o javnoj nabavci objavljeno na Portalu javnih nabavki broj 1161-1-1-157-3-33/20 od 28.07.2020. godine i u „Službenom glasniku BiH“ broj 46/20, okvirni sporazum za period od tri godine, dodjeljuje se za:

LOT 1 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Volkswagen i Škoda, ponuđaču „TOTAL TRADE“ d.o.o. Doboј za ponudenu cijenu 52.500,00 KM bez PDV-a.

### Član 2.

(1) Ponuđač „TOTAL TRADE“ d.o.o. Doboј obavezan je ugovornom organu dostaviti dokaz o ispunjavanju uslova iz tačke 12.1. Tenderske dokumentacije.

(2) Dokaz iz stava (1) ovog člana (original ili ovjerena kopija) ponuđač je obavezan dostaviti ugovornom organu u roku od pet dana od dana prijema ove odluke.

### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka stupa na snagu danom donošenja.

#### O b r a z l o ž e n j e

Postupak javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-5255-1/20 od 22.07.2020. godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-1-157-3-33/20 od 28.07.2020. godine i u „Službenom glasniku BiH“ broj 46/20. Procijenjena vrijednost javne nabavke je 249.000,00 KM bez PDV-a.

Predmet javne nabavke podijeljen je na lotove i to:

- LOT 1 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Volkswagen i Škoda, procijenjene vrijednosti 88.500,00 KM bez PDV-a;
- LOT 2 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke BMW, Ford, Citroen, Peugeot, Opel, Fiat i Volvo procijenjene vrijednosti 88.500,00 KM bez PDV-a;
- LOT 3 - Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Ssangyong Rexton, Mazda, Mercedes i Toyota, procijenjene vrijednosti 24.000,00 KM bez PDV-a;
- LOT 4 - Nabavka rezervnih dijelova sa uslugom ugradnje, popravke i održavanja klima uređaja na službenim vozilima Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za sve vrste vozila, procijenjene vrijednosti 21.000,00 KM bez PDV-a;
- LOT 5 - Nabavka rezervnih dijelova sa uslugom ugradnje, popravke i održavanja službenih vozila Agencije na području Tuzle za vozila marke Peugeot, Opel, Volkswagen, Škoda, Citroen i Ford, procijenjene vrijednosti 9.000,00 KM bez PDV-a
- LOT 6 - Nabavka rezervnih dijelova sa uslugom ugradnje, popravke i održavanja službenih vozila Agencije na području na području Banja Luke za vozila marke Volkswagen, Fiat, Opel, Ford, Citroen, Peugeot i Škoda, procijenjene vrijednosti 9.000,00 KM bez PDV-a;
- LOT 7 - Nabavka rezervnih dijelova sa uslugom ugradnje, popravke i održavanja službenih vozila Agencije na području na području Mostara za vozila marke Volkswagen, Škoda, Opel i Peugeot, procijenjene vrijednosti 9.000,00 KM bez PDV-a.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija je dana 20.08.2020. godine u 13,00 sati izvršila javno otvaranje ponuda prema datumu i vremenu prijema.

Blagovremeno je dostavljeno 10 ponuda i to:

Redni broj	Naziv ponuđača	LOT	Vrijednost ponude (bez PDV-a)
1.	„Autoservis i dijelovi - BL“ d.o.o. Banja Luka	LOT 6	9.730,00 KM
2.	„LADA AUTO“ d.o.o. Banja Luka	LOT 6	8.995,37 KM
3.	„AUTODELTA“ d.o.o. Sarajevo	LOT 1	88.000,53 KM
4.	„TOTAL TRADE“ d.o.o. Doboj	LOT 1 LOT 2 LOT 3 LOT 4	78.876,14 KM 59.923,16 KM 17.165,86 KM 17.739,01 KM
5.	„Auto-komerc V.S.“ d.o.o. Banja Luka	LOT 6	8.653,66 KM
6.	„BOS-MONT“ d.o.o. Sarajevo	LOT 1	99.263,91 KM
7.	„KLIMACENTAR“ d.o.o. Sarajevo	LOT 1	65.591,44 KM
8.	„KLIMACENTAR“ d.o.o. Sarajevo	LOT 4	21.165,52 KM
9.	„KLIMACENTAR“ d.o.o. Sarajevo	LOT 2	74.423,04 KM
10.	„SM SOLUTION“ d.o.o. Sarajevo	LOT 3	26.489,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „Autoservis i dijelovi-BL“ d.o.o Banja Luka, „LADA AUTO“ d.o.o. Banja Luka, „AUTODELTA“ d.o.o. Sarajevo, „TOTAL TRADE“ d.o.o. Doboj, „Auto-komerc V.S.“ d.o.o. Banja Luka, „BOS-MONT“ d.o.o. Sarajevo, „KLIMACENTAR“ d.o.o. Sarajevo i „SM SOLUTION“ d.o.o. Sarajevo ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Tenderskoj dokumentaciji. Za LOT 5 i LOT 7 nije bilo dostavljenih ponuda.

Za postupak javne nabavke usluge rezervnih dijelova sa uslugom ugradnje, popravke i održavanja službenih vozila Agencije Tenderskom dokumentacijom predviđeno je provođenje e-aukcije. Imajući u vidu da su za LOT 1, LOT 2, LOT 3, LOT 4 i LOT 6 ponude prihvatljive, Komisija je zakazala e-aukciju za dan 05.10.2020. godine.

Prema Izvještaju o toku i završetku e-aukcije od 05.10.2020. godine konačna rang lista ponuđača koji su učestvovali u e-aukciji je sljedeća:

Redni broj	Naziv ponuđača	Vrijednost ponude (bez PDV-a)	Rang	
LOT 1	1.	„BOS-MONT“ d.o.o. Sarajevo	52.834,00 KM	1
	2.	„TOTAL TRADE“ d.o.o. Doboj	52.900,00 KM	2
	3.	„AUTODELTA“ d.o.o. Sarajevo	62.900,00 KM	3
	4.	„KLIMACENTAR“ d.o.o. Sarajevo	65.591,44 KM	4

Redni broj	Naziv ponuđača	Vrijednost ponude (bez PDV-a)	Rang	
LOT 2	1.	„TOTAL TRADE“ d.o.o. Doboj	59.923,16 KM	1
	2.	„KLIMACENTAR“ d.o.o. Sarajevo	74.423,04 KM	2

Redni broj	Naziv ponuđača	Vrijednost ponude (bez PDV-a)	Rang	
LOT 3	1.	„TOTAL TRADE“ d.o.o. Doboj	17.165,86 KM	1
	2.	„SM SOLUTION“ d.o.o. Sarajevo	26.489,00 KM	2

Redni broj	Naziv ponuđača	Vrijednost ponude (bez PDV-a)	Rang	
LOT 4	1.	„TOTAL TRADE“ d.o.o. Doboj	17.739,01 KM	1
	2.	„KLIMACENTAR“ d.o.o. Sarajevo	21.165,52 KM	2

Redni broj	Naziv ponuđača	Vrijednost ponude (bez PDV-a)	Rang	
LOT 6	1.	„LADA AUTO“ d.o.o. Banja Luka	8.409,00 KM	1
	2.	„Auto-komerc V.S.“ d.o.o. Banja Luka	8.418,35 KM	2
	3.	„Autoservis i dijelovi - BL“ d.o.o. Banja Luka	9.730,00 KM	3

Slijedom navedenog, Direktor Agencije (u daljem tekstu: Ugovorni organ), na preporuku Komisije, donio je Odluku o izboru najpovoljnijeg ponuđača u otvorenom postupku javne nabavke rezervnih dijelova sa uslugom ugradnje, opravke i održavanja službenih vozila, broj 16-12-16-5255-16/20 od 21.10.2020. godine (u daljem tekstu: Odluka).

Ponuđač „BOS-MONT“ d.o.o. Sarajevo putem punomoćnika Sanela Nezirića, advokata iz Sarajeva (u daljem tekstu: Žalitelj) podnio je žalbu na Odluku za LOT-1 „Nabavka rezervnih dijelova sa uslugom ugradnje, popravke i održavanja službenih vozila marke Volkswagen i Škoda na području Sarajeva, Ilidže, Vogošće, Istočnog Novog Sarajeva i Istočne Ilidže”, zbog pogrešne promjene ZJN.

Navedenom odlukom Ugovornog organa, a nakon održane e-aukcije, za najpovoljnijeg ponuđača za LOT-1 izabran je upravo Žalitelj za iznos cijene ponude od 52.834,00 KM bez uračunatog PDV-a. Žalitelj u žalbi ističe da je inicijalna cijena njegove ponude prije održavanja e-aukcije iznosila 99.263,91 KM, te da je na e-aukciji znatno smanjio svoju ponudu iz čega, prema mišljenju Žalitelja direktno proizilazi interes za ulaganjem žalbe, poništenjem Odluke, te donošenjem nove Odluke nakon provođenja nove e-aukcije.

Žalitelj naprijed navedeno obrazlaže činjenicom da se na e-aukciju pozivaju ponuđači koji su dostavili prihvatljive ponude, a da to Ugovorni organ nije ispoštovao pozivajući na e-aukciju firmu "TOTAL TRADE" d.o.o. Doboj i firmu "KLIMACENTAR" d.o.o. Sarajevo, koje prema mišljenju Žalitelja, nisu dostavile prihvatljive ponude, zbog čega je Odluka Ugovornog organa nepravilna i nezakonita.

Na navedenu žalbu, Komisija je dala objašnjenje, te cijenila da su žalbeni navodi Žalitelja u cjelosti neosnovani.

Navodi žalitelja da ponuđač „TOTAL –TRADE“ d.o.o. Doboj nije dostavio prihvatljivu ponudu, jer nije dostavio zahtjevani Posjedovni list za autoservis, nego samo posjedovni list za zemljište, te time nije dokazao da ispunjava minimalne uslove tehničke i profesionalne sposobnosti, Komisija smatra neprihvatljivim, jer Agencija zadržava pravo provjere navoda o tehničkoj opremljenosti datih u izjavi ponuđača (kako je navedeno u Tenderskoj dokumentaciji) i isto je Agencija i učinila.

Što se tiče žalbenih navoda da ponuđač „KLIMACENTAR“ d.o.o. Sarajevo nije parafirao Nacrt okvirnog sporazuma od stranice 10. do stranice 12., kao i da je u određenom dijelu ponude stranice numerisao na način da su iste nečitke, Komisija smatra takođe neprihvatljivim. Naime, uvidom u ponudu ponuđača „KLIMACENTAR“ d.o.o. Sarajevo utvrđeno je da stranice Nacrta okvirnog sporazuma 10. i 11. nisu parafirane, ali da je stranica 12. Nacrta okvirnog sporazuma uredno parafirana od strane ponuđača. Po pitanju nečitko numerisanih stranica, Komisija je izvršila uvid u ponudu i utvrdila da su sve stranice uredno numerisane, dok su stranice 21. do 23. nečitko numerisane, ali obzirom da se radi o čvrstom uvezu ponude jasno proizilazi numeracija istih i ne postoji bilo kakva mogućnost određenih zloupotreba.

Po pitanju navoda žalitelja koji se odnose na nedostavljanje izjave o educiranosti automehaničara za servisiranje vozila, Komisija je utvrdila da je ponuđač „KLIMACENTAR“ doo Sarajevo dostavio diplome o završenoj srednjoj stručnoj školi za dva automehaničara koji su sa prosjekom 5,0 iz dijela praktični rad i usmena odbrana praktičnog rada uspješno završili srednju školu za saobraćaj i komunikacije u Sarajevu i tako stekli zvanje automehaničara.

Rješavajući po žalbi ponuđača „BOS-MONT“ d.o.o. Sarajevo, Kancelarija za razmatranje žalbi je donijela Rješenje broj: JN2-01-07-1-3227-7/20 od 16.12.2020. godine kojim usvaja žalbu i poništava Odluku i predmet vraća Ugovornom organu na ponovni postupak. Kancelarija za razmatranje žalbi je konstatovala da je ponuda ponuđača „KLIMACENTAR“ d.o.o. Sarajevo neprihvatljiva, zbog nedostavljanja Izjave kojom potvrđuje da su automehaničari za popravku i održavanje vozila, automehaničari i autoelektričari za popravku i održavanje klima educirani za servisiranje, te neparafiranja stranica Nacrta okvirnog sporazuma i nepravilnog, odnosno nečitkog numerisanja određenih stranica. Takođe, Kancelarija za razmatranje žalbi je utvrdila da navodi žalitelja da ponuđač „TOTAL –TRADE“ d.o.o. Doboj nije dostavio prihvatljivu ponudu, nisu osnovani.

Postupajući po Rješenju Kancelarije za razmatranje žalbi, Komisija je ponovo pregledala pristigle ponude, te utvrdila da ponuda ponuđača „KLIMACENTAR“ d.o.o. Sarajevo ima nedostatke, zbog čega je proglašena neprihvatljivom, te je uputila akt Agenciji za javne nabavke Bosne i Hercegovine da u skladu sa članom 7. st. (4) i (5) Pravilnika o uslovima i načinu korištenja e-aukcije ponovo zakaže e-aukciju za LOT 1 u postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Državne agencije za istrage i zaštitu, u kojoj će učestvovati sljedeći ponuđači:

- 1) ponuđač „BOS-MONT“ d.o.o. Sarajevo čija je vrijednost ponude bez PDV-a 99.263,91 KM;
- 2) ponuđač „AUTODELTA“ d.o.o. Sarajevo čija je vrijednost ponude bez PDV-a 88.000,53 KM;
- 3) ponuđač "TOTAL TRADE " d.o.o. Doboj čija je vrijednost ponude bez PDV-a 78.876,14 KM.

Agencija za javne nabavke je ponovo zakazala e-aukciju za dan 04.02.2020. godine za naprijed navedene ponuđače.

Prema Izvještaju o toku i završetku e-aukcije od 04.02.2021. godine konačna rang lista ponuđača koji su učestvovali u e-aukciji je sljedeća:

	Redni broj	Naziv ponuđača	Vrijednost ponude (bez PDV-a)	Rang
LOT 1	1.	„TOTAL TRADE“ d.o.o. Doboj	52.500,00 KM	1
	2.	„BOS-MONT“ d.o.o. Sarajevo	52.755,00 KM	2
	3.	„AUTODELTA“ d.o.o. Sarajevo	88.000,53 KM	3

Shodno Izvještaju o toku i završetku e-aukcije, odlučeno je da se u postupku javne nabavke rezervnih dijelova sa uslugom ugradnje, popravke i održavanja službenih vozila za potrebe Agencije predmetni okvirni sporazum za period od tri godine dodijeli za LOT 1 ponuđaču „TOTAL TRADE“ d.o.o. Doboj, a kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

**DOSTAVLJENO:**

- Ponuđačima 4x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

